

# Ontario Oshki Asiniikewin Onaakonigewin

Anookii'mazina'igan ge-onji ozhijigaadegin  
Onaakonigewinan



---

Ministry of Northern Development, Mines and Forestry

December 2009

# Niigaan Dibaajimowin

Iwe Ontario Oshki Asiniikewin Onaakonigewin gii'izhise giji'ogimaakwe egii-minonaang iwe apii October 28, 2009. Gii-onjiimagan iwe egii-gagwejimindaaw awiyaag, gaadibendamowaad iweni gaye Anishinaabe dazhiikewinan egii-ozhibii'igadeg iwe Bill 173.

Aniinda ini ima Bill ge-onjiimagagin azha izhiwebanoon aniish ogimaakwe ogii-minonaan, niibiwa' dawiindewan apii onaakonigewinan ozhijigaadegin. Oshki ya'iin noogom gaa'izhisegin dago:

- Dayazhese iwe ogimaakwe dino asiniikewin ima nishike gaadibendangin ini gaabagidinind nake Southern Ontario;
- Dajakiibii'igadewan gakina mazina'iganesan gaye oshki mazina'iganesan jinisidawinaagoog iwe Section 35 ima Constitution Act onji Aboriginal gaye diba'amaadiwinan;
- Dagii'izhiweban ji-naabimiinind gaawaniseg gaye gaagii-gimoodimind asiniikewinini omaazina'iganes mamayech wiin awiyaan ji-api ozhibii'amagood; da-onji minosewag Anishinaabe gaye wedi bagona dazhiikewinan gaa'izhaasig ozhibii'igewinini; gaye,
- Da-onjii'maganoon ji-onji minosegin ini aaninda ozhibii'igewinan dino.

Giji-indegaagwan jigii-nisidaaw'nagoogin ini e-bebakaan onaakonigewinan jwiidegin apii ini-ozhijigaadegin. Daabshko, mazina'iigino ashoga'igewin nake Southern Ontario gaye ashenigewin ini ogimaakwe dino asiniikewinan shego ima nishike gaadibendaagogin nake Northern Ontario dagii ima onaasewan apii niigaan biboon. Iniwe wiin nanaadogigenjigewinan gaye bagidinigewin gaye gigendamo gakino'amagewin onji asiniikewininiwag giyaabi da-nanadogegenjigaade, ji-ozhijigaaniwang ini geminosegin onaakonigewinan gaye ji-ini yaanjiseg ogimaaw'jigewinan, maagizha minik niizho-biboon niso-biboon da'izhise. Akii-mazina'igan dino ashoga'igewin, eyadawendaagoog shipi dino aabajitaagan, da-niigaan dibaadode wedi nisin ako nana-biboon.

Ogimaakwe gaminonaagin iwe apii jimaajisegin gagwedwewin "ge-izhi apiseggin" ini ge-inidodaaganiwang gaye onaakonigewinan ji-anokiimagag iwe oshki Ontario Asiniikewin Onaakonigewin. Ono geyadawedagogin oiniin gaawii-nanadoogegenjigaaniwang gaye bagidinigewin, Aboriginal gagwedwewinan, minowiiw' diwin naadamaagewin onji ini gaananiizaanedagin Anishinaabe, akii-mazinaa'igan oshoga'igewin, dino geganaaabadeg apii ashesegin ga-inaadizid Aishinaabe dino, ini gakino'amaagewin onji asiniikewininiwag gaye da-izhise ji-onji-azheseg ogimaakwe dino asiniikewin ima nake nishike gaadibendaagoog akiini. Gagagwe debinigaadeg weweni jinisidawinaag gaa-anokiikadang awe dago weweni jigiiganawaabadeg Anishinaabe odiba'amaadiwin, gaye igi aki gaadibendamowaad.

Owe mazina'igan in'waade jigiwiiji'igood awe gaawii'wiijitaawd oma. Dibaajimowinan gaye gagwedwewinan dawiiji'iwemaganoon ini onzhijigaadeg owe noogom biboon.

Apii ishkaaseg gagwedwewinan May 2010, igi gamisawedamowaad awiyag, gaa-ondiziwaad anokiig gaye Anishinaabe dazhiikewinan dagagwejimaawag gegoonan ima ge-izhimaawdobinaaniwangin, gaye ozhibii'igewinan dino. Owe mazina'igan inwaade jigii-wiiji'iwemagag apii dazhijigaaniwang gaye aabajitaaganan atewan ima maamakaadabikoong gaye ono. Gaye niga-gagwedwemin ima nake Ontario's Environmental (Environmental Bill of Rights/EBR) Registry.

Giishpin we gagwedweyan owe onji mazina'igan, endawendamowanen ji'izhinizha'amaagoyan mazina'igan, maagizha wii'ozhibii'igeyan, awe ganoozh:

Leigh Boynton  
ONTARIO MINING ACT CONSULTATION  
Ministry of Northern Development, Mines and Forestry  
Mining Act Modernization Secretariat  
99 Wellesley St West, Room 5630, 5th Floor  
Toronto, ON M7A 1W3  
Tel: (416) 327-0618  
Email: miningact@ontario.ca

Bagidinan gidigidowinan apii April 30, 2010.

Oshki dibaajimowinan onji owe Ontario Asiniikewin onaakonigewin, gaye apii ge'izhisegin gaye aandi nake ge-izhimaaw'dobinaaniwang, maamakaadabikoong nake izhi-gii'odenimishinaam: <http://www.mndm.gov.on.ca/miningact>.

## Wegonenan oma wezhibii'igaadegin

<b>Niigaan dibaajimowin</b>	<b>2</b>
<b>Chakibii'igan 1: Oshki Ontario Asiniikewin Onaakonigewin</b>	<b>5</b>
<b>Chakibii'igan 11: dino gedazhindeg</b>	<b>10</b>
1. Gakino'amaagewin onji asiniikewininwaag	10
2. Maamakaadabikoong nake aki mazina'igan ashoga'igan	11
3. Nanaadogigenjigewinan gaye bagidinigewin	13
4. Ge-onji dibaabadeg anokiiwin	16
5. Aboriginal gagwedwewinan	17
6. Mino wiijiw'diwin naadamaagewin	19
7. Nadamaagewin onji ini Anishinaabe inaadiziwinan	20
8. Nishike ogidakamig dibejigewinan	21
<b>Chakibii'igan III: Nimisawendamin jinodaagoyeg</b>	<b>22</b>
Api-bii'iganan A: maama'wobii'igan ge'izhijigaaniwangin onji nanaadogigenjigewinan	<b>23</b>

# Chakibii'igan I: iwe Oshki Ontario Asiniikewin Onaakonigewin

## **MAYAA GEYAANJISEGIN**

Ontario Oshki Asiniikewin Onaakonigewin izhise niibiwaa jiyaanjisegin odo onaakonigewinan nake asiniikewin, memidage: nanaadawaabikewin, ashoga'igewin, mino wiijiw'diwin naadamaagewin, ge-onji dibaabadeg anokiiwin, ogidakamig asin dibenjigewin, nanaadawabajigewin anokiiwin gaye gagwedwewin wedi Anishinaabe dazhiikewining. Mayaa geyaanjisegin maamaw:

### **AKI DIBENJIGEWIN:**

Oshki izhijigewinan izhisemagan jigii- niigaan dibaadodeg iwe aki ashoga'igewin, jigii-odinigaaniwang asiniikewin odaabinigewin. Aki ashoga'igewin dagii-webise memwech wiin jigii-izhasig ima akiing ji-anda ashoga'ang ima asiniikewin odaabinigewin.

Ono dino akiin gaa-baakisizinogin jigii-ashoga'igaadegin gaye nanaadogigenjigewin ima weni oshki bii'igadewan.

Iwe Oshki Asiniikewin Onaakonigewin onji-ashesewan ogimaakwe dino asiniike-dibejigewinan ima Southern Ontario nishike ogidakamig gadibejigaadegin gaagjiwsegin gaye ga-'ayaamagasinogin odaabinigewinan gaye mazina'iganesan. Wedi Northern Ontario, nishike gaadibendamowaad akiini dagii gagwedwewag ogimaakwe gaadibendang asiniikewinan ji'aa-shenigaadening ashoga'igewin ima.

Iwe ashebi'igan maagizha gaa'izhiseg maano gaawiin dabagamendaagosinon gegoon nake ini asiniike anokiiwinan. Iwe nake aazha ga-nanaadogigenjigewaad gaye ga-asiniikewaad gaabagidinindwaa ima nake nishike ogidakamig dibenjigewin, oshki onaakonigewinan ogabiminizha'anaawa.

Iwe Onaakonigewin onji oshki ozhibii'igaadewan gedojigaaniwang bagosendaagoog iwe dibaabajige anokiiwin, gaye niigaan dibaajimomagan "meshkwaaj diba'igewin".

Iwe Onaakonigewin onji bagidinaa igi nishke gaadibendamowaad akiini ji-ondinamowaad jizhaabwiiwaad gadibaa'igaaniwang ima asiniikewin, iwe nake gaagiidibendaang ogimaakwe, noogom dash e'inwaadwesinoog ji-asiniikadeg.

Onji bagidinaa ji-asheseg ima nake gaa-izhigiji'inendagoog Anishinaabe gaa'izhibimaadizid ji-asiniikaadesinoog gaye gi-ashoga'igadesinoog.

### **NANAADOGIGENJIGEWINAN GAYE BAGIDINIGEWIN:**

Iwe oshki shipi nagajijigewin wiiba nanaadogigenjigewin dayadawendagoziwag jibagidinaamowad nanaadogigenjigewin gaawii'izhijigewaad jiniisisegibaniin gebigamendagoog gaye jigii-gagwedwewaapan ini mazina'iganesan weweni minik.

Weweni dibaajimowinan (dago ge'apiidagidegin ini izhijigewinan, nanaadogigenjigewin gaa'andawedaagogin) gaye izhigiizhwewinan gaye gedagosigin ( dago ge-izhinaabesegin gaye Aboriginal gagwedwewin) da'ozhisinon ima ozhibii'iganing.

### **ABORIGINAL GAGWEDWEWIN:**

Aboriginal gagwedwewin andawedagwan ini nanaadogigenjigewinan gaye mazina'iganesan wiiba wii nanaadogigenjigenaniwang, dibishko jiminoseg izhijigewin.

Ini shwiin baama gawii-dojigaaniwangin iwe nake shipi nanaadogigenjigewin gaye asiniikewin, iwe Onaakonigewin ikidoomagan Aboriginal gagwedwewin ji'izhijigaaniwang jibwaa gibaa'igaadegin gaawii-dojigaaniwang.

Iwe Onaakonigewin ikidoomagan jigii-nagajijigaadegibaniin gaawiidodamowaad igi gayataadiwaad anokiiwinan gaye igi Aboriginal dazhiikewinan.

### **MINOWIJIW'DIWIN NAADAMAAGEWIN:**

Oshki minowijiiw'diwin naadamaagewinan dabiminizha'igaadewan maanzhiseg gegoon ima shego Asiniikewin Onaakonigewin bigamizhkaagowaad ima Aboriginal dazhiikewining, gaye Aboriginal diba'amaadiwinan gaye omiinigoow'ziiwinan.

Giji ogimaa ogawansan awiyaa' maagizha beshig awiyaa' jigii-bizidang gaye jigii-wanaabadang dino gaa-maanzhisegin gaye jiwiiindamawaad ini giiji ogimaan aniiin gegii-izhijigenid. Giji ogimaa ogabiminizha'anan ini gaye ogaawiindamawaa' ini gaa-maanzhiwiiw'dinid aniin ge-izhijigaaniwaninig.

### **WAASA GIWEDINOONG NAKE ONTARIO:**

*(NISIDODAN: ONO Far North gaamiigiwesegin api ima Bill 191, the Far North Act, 2009, giyaabi bimidaazhidewan ima ogimaawining.)*

Iwe Onaakonigewin obagidinan Ontario jidodamonid iwe ogimaa gaagii'ikidood gaawiin oshki asiniikewinan dabaakinigaadesinononan wedi Waasa Giiwedinoong nake baamaa debweyendamowaad mazina'igan iyaa'iini aniin ge'inaabadaag akiini.

Izhiwebag dazhiikewin ayaasig mazina'iganini, dagii-bagidenima wedi ogimaaw 'ogamigoong giishpin, ganawaabadegin gebiminizha'igaadegin aki ge'inaabadag, iwe asiniikewin weweni ji-onji gii'izhiwebizibaan Ontario.

Iwe Onaakonigewin bagagidaagwaan asin gaadibenimaad dagidendaagwaan gaye asin ashoga'igewin, nanaadogigenjigewin gaye ozhisijigewin wedi Waasa Giiwedinoong giyaabi da'izhiweban iwe apii dazhindeg aniin aki ge'inaabadag.

## **AWAASHIME GE-YAANJISEGIN:**

Ini ge-yaanjisegin boozaabikinigan, waasigamibimide gaye ziiw'taagan dino asiniikewin gaadazhideg ima Part IV ima Onaakonigewin, gaa-niigaaniishkang wiiyaaske'ogimaa, dagose iwe bakwe oji'iwewin nake akiing, Part IV miziwe izhise.

Iwe Onaakonigewin dagosewan ini minik gegii-izhiyaabadagin ogidakamig dino gaadibendangin gii-asiniiked jiini-minosegin ini ozhki waasigan izhijigewinan.

Iwe Onaakonigewin noogom weweni izhinaagogwaanini awe gababaganawabadang gegoon iwe nake gadodamonaniwang miziwe gii-asiniikaaniwang.

Biminizha'igewin daganjini'zha'iganiwan iwe nake ge-aanjisegin dibaa'igewinan gaye mamazhiwinan ima shegoya'ii Onaakonigewin.

Gii-aanjibii'igaadewan aninda ozhibii'ige bimiwijigewinan, dago ini mino shaabwaate asin gaa-onji-ondizinaaniwang.

Ozhibii'iganan ge-onji-aanjisegin iniwe gaagii-azhenigaadegin miigiwesewinan, gaye ini ge-aanjisegin jigii-naabinaagogibaniin iniwe onaakonigewinan ima Asiniikewin Onaakonigewin.

## **Minik owe apii Gabi-gagwedwenaaniwang**

Apii gaabimaajjigaaniwang owe Mining Modernization Act August 11, 2008, wiiyaaske ogimaa nibiwaa daswaa obimaawdobi'aa' awiyaa' egagwedwed gegoonan. Awashime 1000 awiyaag giibiizhawag ima Timmins, Sudbury, Thunder Bay, Kingston gaye Toronto. Ganabaaj 20 daswaa giimaawdobiwag igi gaa-onjishooniyaakewaad ozhijigewin, odenaaw ogimaag, bagona akiing gaaganawendamowaad dino gaye igi ga-abiidamagewaad gegoon, gaye 156 giinakwedamoog ozhibii'igan dino nake Environmental Registry. Giidazhideg Anishinaabe nigaaniw'niniwag giidagwiiwag, ganabaaj 1000 Anishinaabe dazhiikewinan giijiwidwaawag, dago 15 gii-nakwebii'igewag. Gagii-nakwedamowaad nake Anishinaabe Wiisaakodewininiwag dazhiikewinan gii-minonaaagwan egii-wiijidwaawad.

Miziwe owe ga-izhijigaaniwang, ogima ogiinodawaa' Anishinaabe gaye Wiisaakodewininiwag dazhiikewinan ebagosendamowaad anokiiwin gaye ji-ondaadiziwaad ima asiniikewin, mitigokewin gaye gagina dino shooniyakewinan.

Ogimaa onisidaawinan egiji'enendaagoog Anishinaabe ji-onji-minoseg onji iwe ga-ondadizinaaniwang ozhijigewin.

Niibiwaa azha odino-minowiiw'wawaa' ini ga-nanaandagigenjigewaad gaye igi ga-asiniikewaad. Debwe, awashime 60 dasinon ini ozhi'bii'iganan igi Anishinaabe dazhiikewinan gaye shooniyakewinan. Ontario oganjinizha'anan gaye owiijigaabawidaan ini dino wiiw'iiw'diwinan.

Omishkaaw'gaabawiidaan iwe ji-onizhishing bimaadiziwin nake Aboriginal dazhiikewinan gaye ji-ozhijigaadegin wanisijigewinan jiwiji'indaaw Anishinaabeg gaye Wiisaakodewininiwad ji-onjiminosewad api ono miinigoow'ziwii'winan bagona.

Ogimaa ogii-bagosenimaan Ontario asiniikewin ga-ondaadiziwaad onji ima Ontario Mining Association, igi Ontario Prospectors Association gaye miziwe oma ganadawaabamawaad asiniin gaye ganaadogigenjigewaad odabiidamageg. Gaye, nigii-gagwejimananig igi Minister's Mining Act Advisory Committee, ebaadiinowaad ga-onjiwaad nake shoonyakewinan, bagona aki gaganawendamowaad gaye nishki gadibendamowaad akiini.

Apii gagii-niigaan dibaadodeg iwe onaakonigewin, weweni ogii-ganawabadanawaa igi Standing Committee on General Government, gagii-babadibaajimonaaniwang wedi Toronto, Sioux Lookout, Thunder Bay, Chapleau, Timmins apii August. Ogii-bagidinanawaan ozhibii'iganan ga-inendamowaad igi odabiidamageg, ga-asiniikewaad gaye Anishinaabe dazhiikewinan. Amiidash, aanjibii'iganesan gii-onjisewan ima egii miinidwaa igi standing committee. Apii October 7, 2009 igi abiidamageg ogii-giishdonawaa eganawabadamowaad iwe Bill gaye aanjibii'iganesan.

## Giyaabi ji-gaanoonidinaaniwangiban

Amigo apane iwe gamajiseg gagwedwewin, ogimaa omaashkaaw'gabawiidaan giyaabi ewii-babagagwedwed gegoon, iwe dash mayaa jigii-inaazina'igaadeg Ontario asiniikewin mazina'igan gaye jigii-mayaa minosewad igi ga-asiniikewaad, Anishinaabe dazhiikewinan gaye nishike aki gadibendamowaad onji ini gedodamowapan gaye ga-miinidwaa.

Ini ge-biminizha'igaadegin da'ozhibii'igaadewan mayaa ge-dodamonaaniwang, ge-apisijigaaniwang, minik ge-bimisege gaye ini izhijigewinan ji-waabamosegin ini noogom gayaabajidowaad ga-asiniikewaad gaye ima ji-iniminooseg ozhibii'igewin gewaabamoseg aniin ge-izhibigamseg gegoon ima mitakamigoong. Iwe izhinaagwan aniin ge-izhinaagoogibaniin gebiminizha'igadeg jiminoseg asiniikewin. Owe jigii gakina gegoon ganawaabadeg ge-izhiminooseg, gaye dago, jiwii'ji'indaaw ga-ataagemagag dino asiniikewin. Iwe dash ikidowinan, wegonen wenaakonigemagag gaye wegonenan ge-ogimaaw'gin ima Ontario asiniikewin gawii-biminizha'ang?

Owe anokii mazina'igan inaabadan jiwiji'igood awe gaa'inendang jigii-miigiwed enendaang ge-izhiminoosegin ono gebiminizha'igaadegin wedi niigaan giizisoog apii dash ji'ini-giizhijigaadeg gagwedwewinan May 2010. Ono ikidowinan apane dadjigaaniwan ini ozhijigaadeg gaye inidogijaniwangin ono gebiminizha'igaadegin, dojigewinan, onaakonigewinan, gedodamonaaniwang gaye maamakaadabikoong dino izhijigewinan wedi niigaan nisin ako naano-biboonaag.

# Chakibii'igan II: Gegoonan Gedazhidegin

Ana iwe Onaakonigewin niigaan dibaadodewan ge-aanjibii'igaadegin, nishwaajinoon nake weweni jigii-ganawaabadegin jiwii'iwemagag iwe bimiiwigewin ozhijigan:

1. Gakino'amaagewin onji asiniikewininwaag
2. Maamakaadabikoong nake aki mazina'igan ashogaigan
3. Nanaadogigenjigewinan gaye bagidinigewin
4. Ge-onji Dibaabadeg anokiiwin
5. Aboriginal gagwedwewinan
6. Minowii'iw'idiwin naadamaagewinan onji Anishinaabe onendamowinan
7. Nadamaagewin onji ini Anishinaabe inaadiziwinan
8. Nishike ogidakamig dibejigewinan

Daso'ozhibii'iganan ima maamawoobii'igaadewan ini ga-aanjibii'igaadegin ima Onaakonigewin gaye dagobii'igaadewan awashime gegoonan jigii-nanagadawendamabaniin. Gagwedwewinan miziwe ozhibii'igaadewan jigii-nanagadawendamowaaban ga-aangijigewaad.

## **1. Gakino'amaagewin onji asiniikewininwaag (Section 19 (1)):**

Weweni jinisododamowaad ga-oshki maajitaawaad gaye gayate gadakonamowaad asiniike mazina'iganes, ogima niigaan dibajimo owe Gakino'amaagewin onji asiniikewininwaag. Dawiindamagemagan ini dojigewinan wii-asiniiked ima Ontario, aniish ini ini-aanjibii'igaadewan ima Asiniikewin Onaakonigewin. Oga-giizhidoon iwe gakino'amaadiwin jibwaa miinind gaye ozhiki'ya'ii miinind asiniike mazina'iganesini.

Iwe gakino'amaadiwin ji-onji gikendamaad. Gawiin mazina'iganes memwej jigii-debinigaaniwang jibwaa debinang asiniike mazina'iganes gaye gawiinoon gagweji'aasiin asiniikewinini aniin ge'ayizhiid ji-ashoga'ang gaawii'izhi'asiniiked.

Ga-onji izhijigaaniwang owe gakino'amaadiwin mazina'iganes gadakonamowaad jigikendamowaad ini oski ozhibii'iganan ima Onaakonigewin, daabshko ini Aboriginal gagwedwewinan, nanaadogigenjigewin gawii-izhijiged gaye bagidinigewin gedodaaganiwang ima ogimaakwe gaye nishike aki, gaye jiniisisegegebagamiseg ima bagona akiing. Dagiidebinigaade iwe gakino'amaagewin ji-onji minosed gakina'awiya ga-asiniiked e-wii gigendang iwe Ontario Asiniikewin Onaakonigewin. Nibinoodamin e-ikidonaaniwang iwe gakino'amaagewin jigii-aabadaagiban awashime waasa

jigigendamonaaniwang gaye ji-gakino'amaadingiban iwe Asiniikewin Onaakonigewin.

Aninda gaganawaabadegin ima jigii-shegosegibaniin ima izhijigewining:

- Asiniikewin gaganawaajjigan – ozhibii'igan gaye izhijigewin
- Aboriginal gagwedwewin gaye izhijigewin
- Nanaadogigenjigewinan gaye bagidinigewin
- Mino wiijiw'diwin naadamaagewin
- Bagona akii mino'jigewinan
- Ge-onji dibaabadeg anokiiwin – oshki miinidiw'inan

Gagwejimiwewinan ji-nanagadawendaman:

*Q 1.1: ganage giiyabi gegoonan dagii-dagonigadewan ima izhijigewining?*

*Q 1.2: Aniin gegii-izhibimiwijigaadegiban iwe izhijigewin? Awenen ge-giibimiwidoban iwe izhijigewin?*

*Q 1.3: Gidaa'odapinaan na iwe gakino'amaagewin onji asiniikewininwaag ima maamakaadabikoong? Giishpin ayasiwan maamakaadabik, wegonen gegii-minosegiban?*

*Q 1.4: Wegonen minik dibaa'igan enendaman jigii-maajidoyaban/jigiishtoyaaban iwe izhijigewin?*

*Q 1.5: Dago asiniikewiniwag, awenen giiyabi ge-onjiminoseban owe onji izhijigewin? Aniin gegii-izhijigaaniwang ji-odaabinamowaad gewiinawaa?*

*Q 1.6: Wegonen giyaabi gegii nanagadawenjigaaniwangiban onji owe izhijigewin?*

*Q 1.7: Wegonenan gegii-ganawabadang ogimaa giishpin awiyaa wiibagjiid jigiishdosig owe izhijigewin?*

*Q 1.8: Ganage iwe ge-izhinigaadeg izhijigewin dagii naagwaan awashime gawii-inaabadag gaye gigendamowin iwe Asiniikewin Onaakonigewin?*

## **2. Maamakaadabikoong nake aki mazina'igan ashoga'igan (Section 38(2)):**

Iwe oshki Asiniikewin Onaakonigewin dagose niigaan edibaadodeg iwe maamakaadabikoong nake aki mazina'igan ashoga'igan, e-ashawaabadeg niigaan nisin ako nanobiboonagag. Iwe jigii-debinigadegiban mazina'iganesan jibwaa biindigaaniwang ima akiing gaye tooginaang akiini. Daabshko weweni ogadebinaanawaa akiini oma nake igi ga-asiniikewaad gaye giji-shooniyakeg.

Ontario gamajidood aki mazina'iganes dino ashoga'igewin da-ini-agonagwaan. Aki mazina'iganes dino ashoga'igewin da-ini-izhise, damaajise mazina'iigin ashoga'igewin ima Southern Ontario gaye ima maamakaadabikoong apii nisin ako nanobiboonagag. Owe dino aazha bidodaaganiwan gaye nanagadawenjigade ima nake Canadian ganiigaan'jigewaad gaye miziwe akiing ga-asiniikewaad. Biminizha'iged ini gaa-minosewaad dino ogawiji'igoon Ontario weweni ji-ataaged ini shooniya bagidinigewining gaye ogamijiminaan odizhigaabawin eniigaaniid akiing iwe nake nanadogigenjigewin shooniya bagidinigewin. Ogimaa odebwedaan iwe maamakaadabikoong nake aki mazina'igan ashoga'igan, dago Ontario e-ayaawaad ga-minwaabikizinid asiniin, awashime da-onji maashkaawse ga-izhigabawid asiniike bimiwijigewin oma miziwe akiing.

Awe Ontario ge-ini-ayizhiid nake niigaan dibaajimowini iwe maamakaadabikoong nake aki mazina'igan ashoga'igan, "gii-ozhijigaade ima Ontario" dino dodamowin dagii-onji ini gikendaam gegoon gagii-bi'izhisewaad British Columbia, Quebec gaye Newfoundland gaye Labrador, debwe jigii-minoseg iwe ashoga'igewin "ge-izhi-odaminonaaniwang".

Megwaa oma Canada gaawiin awiyaa giba'aawsiin aniin minik ge-ayaad ino asho'ga'iganan. Iwe dash, izhise jinagajjigadegiban ozaam giji-izhijigaaniwang ashoga'igewin gaye weweni jidodawindaaw iwe izhiwebag, bakaan iniwe Canadian gadibendaginiin ogiba'anawaan aninda ashoga'igewinan bebesig ako.

Wedi British Columbia beshi "ashoga'igan" inigokwaadoog 25 ashoga'iganan. Iwe Free Miner's Licence dagii-aandawedagwan beshig abiding namadabing, gaye dagii-ozhibii'idizo gaye jigii-diba'ang gaa'inagidenig jibwaa gagwedwed miina ashoga'igan. Onji babejise jidebinangiban iwe ashoga'igan, aniish jigii saaga'ang gaye miina jibiindiged apii wiigagwejidood awashime ashoga'iganan.

Wedi Newfoundland gaye Labrador, awiya diba'ige'aaganiwi niigaan \$50 gejinaaj beshig ashoga'igan dago \$10 ji'ozhibii'igaadenig. Iwe gejinaaj shooniya gabagidinind owani'aan giishpin iwe ga-aandawendagoog ge-onji dibaabadeg anokiiwin giishdosig ima nitaam baboon.

Miina ga-minoseg dojigewin jigii-niisagindeg iniwe ga-mijaagin akin awe jidebinangiban gaabeshigood ima dibaa'igewin. Daabshko, Québec onagajidoon iwe dino dibaa'igewin ima awe ga-shooniyaked odiba'an niibiwaa awashime beshig ashoga'igewin aniish nawaaj nibiwaa ododinaan (daabshko \$25 - \$115 beshig).

Amii ono edodamowaad wiinawaa owe nake maamakaadabikoong nake aki mazina'igan ashoga'igan ji-minosewaad gaye ataadiwaad ini. Ono bangii onagadawendanan ogimaa, niwii-nodaamin enendameg aniin Ontario gegii-izibii'angin ini onaakonigewinan jiminosed gakina'awiya.

*Gagwejimiwewinan ji-nanagadawendaman:*

*Q 2.1: Wegonen gedojigaaniwang jidagoseg ima aki mazina'igan ashoga'igewining jigii-odaaminazing gemijaanig akiini ga-beshigood gadakoonang ashoga'igan?*

(a) *Jigii-ashenigaaniwang minik gaye ga-inigokwaanig ashoga'igani awe ga-beshigood gadakoonang ashoga'igan*

(b) *Jigii-ashenigaaniwang minik gedasininigin ashoga'iganan iwe minik diba'igan*

(c) *Jiwaninigaadeg ge-inaagideg debinigaadeg ashoga'iganan (daabshko naawaaj nibiwaa ashoga'igeyan, nawaaj nibiwaa ji-inagideg).*

(d) *Giiyaabi gegoon?*

Q 2.2: *Aniin gegii-izhijigaaniwang weweni ji-izhiseg maamakaadabikoong nake aki mazina'igan ashoga'igan wedi niigaan nanobiboon?*

Q 2.3: *Wegonen ge-nanagadawenjigaadeg jiminoseg maamakaadabikoong nake aki mazina'igan ashoga'igan?*

(a) *Aniin gegii-dodamangiban debwe ji-dibaajimonaaniwang iwe ashoga'igewin?*

(b) *Ganage ayamaganoon izhijigewinan gemisawendagogin gegii-ozhijigaadegin weweni ji-ozhijigadeg maamakaadabikoong nake aki mazina'igan ashoga'igan gaye jiminosegiban diba'iganing?*

(c) *Aniin minik gegii-izhisegiban diba'igan jigii-giishjigaaniwangiban?*

### **3. Nanaadogigenjigewinan gaye bagidinigewin (Section 78.2, 78.3):**

Ontario odo oshki Asiniikewin Onaakonigewin aandawedagwaan niigaan nanaadogigenjigewin maagizha bagidinige ozhi-bii'igan jibwaa maajidood ini gawiidodaang. Nanaadogigenjigewin ozhi-bii'iganan aandawendagonoon ima apiji gegiji-izhijigaaniwanzinoog, miina bangii niibiwaa gedodang aandawendagoon bagidinige mazina'iganes. Onaakonigewinan da-ozhijigaadewan jizagagisegin aniin ge-inaagidegin niisi magizhaa niibiwa'iish, geyapiijiseg gegoon ima akiing (ganawabandan Appendix A). Izhijigewinan ga-ozhibii'igaadesinogin ima gaawiin memwej ini ozhi'bii'iganan andawendagosinonan.

Owe ga-zagakibii'igaadegin ge-izhijigaaniwangin gii- nanaadogigenjigenaniwang da-nagajjigaade wegonen aniin ge-izhibigamiseg ima Anishinaabe odiba'amaagowin, bagona akiing dino gaye igi ga-nishike dibendamowaad akini.

Jibwaa maajiseg iwe nanaadogigenjigewin, ga-asiniikewaad gaye askiniikewin ga-ondadiziwaad ge-odaapinamowaad niisiya'ii dino damiigiwewag nanaadogigenjigewin mazina'iganan gaye ogabiminizha'anawaa onaakonigewinan. Inuwe miina godaagiyaan, nanaadogigenjigewin bagidinige mazina'igan aandawendagwan.

Ogimaa ogawiiidoon jigii-debinigaadeg dibaajimmowinan ono gawiidojigaaniwanging gaye jimiiindaaw igi gebigamishkaagowaad Anishinaabe dazhiikewinan gaye igi ogidakamig dino gadibendamowaad jibwaa maajidawaad ini mazina'iganan.

Anishinaabe dazhiikewinan miinawaag jiwiindamaaw'ningidaaw aniin ono ge-izhibigamishkaagowaad ima ini Aboriginal odiba'amaagowiniwan. Gadibendamowaad akiini gewiinawaa dadibajimowaag owe beshigwan. Bagidinigewinan dadagosewan gegii-biminizha'igaadeg iwe anokiwin dash jigii-nagajjigemag aniin ge-izhiwebag ini Aboriginal diba'amaadiwinan, bagona akii dino inendamowinan gaye nishike gadibendamowaad akiini. Niibiwaa ini Canadian ogimaawinan odaabajidoonawaa ono dino nanaadogigenjigewinan gaye bagidinigewin mazina'iganesan. Nanaadogigenjigewin mazina'iganesan aabajjigaadewan niigaan ji-onjiwii'jiseg aki.

Saskatchewan, Newfoundland and Labrador, Manitoba, Alberta, Nova Scotia and Yukon wiin odabajidoonawa mazina'igan dino ge-izhijigewaad iwe niisiya'ii dino (non-mechanized) nanaadogigenjige izhijigewinan.

Wedi 2008, 1000 giidasinon gagii- nanaadogigenjigewaad oma Ontario. Iwe aniin ge- ini-izhi-ozhijigaadeg iwe gebiminizha'igaaniwangan, ogimaa inedaam ganabaaj 1,300 – 1,800 nigo-biboon ji-mooshkinebii'aangin ini mazina'iganesan.

Weweni ga-ozhibii'igaadeg mazina'igan, ge-izhiganawabadeg, ge-izhi-odaabinigaadegiban gaye mino wiijiw'diwin naadamaagewin aandawendagonoon onji ini nanaadogigenjigewinan gaye bagidinigewin mazina'iganesan ima Anishinaabe dazhiikewinan, gadibendamowaad akini, asiniikewininiwag gaye ini ga-nanaadogigenjigewaad jiwiji'igowaad weweni ji-izhiseg gegoon.

Genanagadawenjigaaniwang aniin gegii-inaagidegin ono nanaadogigenjigewinan dagii'dasinon ono daabshko:

Table 1:

<b>Genanagadawenjigaadegin ge-inaagidegin asiniikewin izhijigewinan</b>		
<b>Gaawiin gegoon shego Onaakonigewin</b>	<b>Nanaadogigenjigewin izhijigewinan</b>	<b>Nanaadogigenjigewin bagidinigewinan</b>
Aki oga niisi bigamishkagoon	Aki oga baangi shipi oga-bigamishkagoon	Aki oga nawaaji nibiwaa oga-bigamishkagoon
Gaawiin apiji da-onaajisesinon aki	Gaawiin apiji da-onaajisesinon aki	Nawaaj nibiwaa da-onaajise aki
Gaawiin odibendaziin jigii-wanendang	Ogashkidoon jinakwedaang niisised	Dagii-andawendaagwan izhijigewinan ji-nadamagemagagin
	Gadakoonigaadeg, gabimibidesinoog abajjigan	Gagiji-bimibidegin abajjiganan jigii-abadagin

	<p>Gaawiin andawendagosinoonan baashkidewsiganan</p> <p>Gaawiin apiji andawedagosinoon jigii-minojigaadeg aki</p>	<p>Andawendagonoon baashkidewsiganan</p> <p>Andawendagoon niibiwaa jigii-minojigaadeg aki</p>
--	---	---

Gagwejimiwewinan ji-nanagadawendaman:

Q 3.1: Onowe ga-ozhibii'igaadegin ima Table 1 ge-inagidegin ini nanadogigenjigewinan gawii-izhijigaaniwanging:

- a) Gi-debwedaan na iwe ge-inagidegin? Wegonen dash? Wegonen weji aanwedaman?
- b) Wegonen giyaabi gegii-ganawabadegibaniin? Wegonen dash?

Q 3.2: Onowe ga-ozhibii'igaadegin ini nanadogigenjigewinan ima Appendix A:

- (a) Ganage giyaabi daagii-dagoningadewan ima? Wegonen dash?
- (b) Ganage aninda daagii-azhenigadewan? Wegonen dash?
- c) Wegonen dino nanadogigenjigewinan izhijigewinan geyaadegibaniin ima Table 1?

Q 3.3: Aniin gegii-izhibii'igaaniwangibaniin ini gawii-izhijiganiwang gaye iwe bagidinigewin weweni ji-izhisegin onowe:

- a) Minik diba'igan gaye apii biboanagag ini nanadogigenjigewinan ge-izhijigaaniwangin
- b) Minik ge-apijisegin ini nanadogigenjigewinan gaye ini ge-izhijigaaniwangin
- c) Ge-anjiseg ima ini-gawii-izhijigaaniwangin dino nanadogigenjigewinan
- d) Minik diba'igan gebimijigaaniwang wanabajigaadegin ge-odaabinigaadegin ini gawii-izhijigaaniwangin gaye bagidinigewinan

Q 3.4: Wegonen gegii-biminizha'igaadegin ima nanadogigenjigewinan izhijigewin? Nanadogigenjigewin bagidinige mazina'iganesan?

- a) Ganage daagii-ayaawan gebiminizha'igaadegin ima dino nanadogigenjigewinaning?
- b) Ganage daa-gii-ayaawan izhijigewinan mayaa gegii-biminizha'igaadegibaniin onji iniwe nanadogigenjigewinan izhijigewin gaye bagidinige mazina'iganesan?

c) *Wegonen geji'inendagogin gedagosegibaniin ima nanadogigenjigewinan izhijigewin gaye bagidinige mazina'iganesan?*

d) *Ganage ayamaganoon ga-izhijigewaad wedi bakaan nake ga-anokiimagagin? Magizha gaawiin anokiimagasinonan? Ozhibii'an ini gegendaman.*

Q 3.5: *Aniin minik ge-onizhizhingiban iwe gawii-izhijiganiwang gaye bagidinigewin? Wegonen dash?*

Q 3.6: *Aniin ge-onji-minosegiban gaye ge-onji-maazhisegiban iwe maamakaakadabikoong dino izhijigewin?*

Q 3.7: *Gegoonan wiidan gegii-dodagaaniwangiban jiminosegin nagajijigewin gaye biminizha'igewin?*

#### **4. Nanaadogigenjigewin ge-onji dibaabadeg anokiwin(Sections 66, 67):**

Ogimaa oga-ganawabandan iweni ge-onji-dibabajigaaniwang anokiwin jigii minonagwaagin ini izhijigewinan ji-ini dibabajigadeg mazina'igewin gaye jimigigaadeg nawaaj geminoseg iwe ji-anokiimagag asiniike ashoga'igewin oma nake.

MNDMF oganagadawendan ji-anjibii'ang ini gadibaa'igaadegin ji'debinang ini ga-dibaabadeg izhikosewin jigii'izhinaagoog enagindeg gii-anokii'kadizoonaniwang. Daabshko Canada Revenue Agency obagidinaa' aninda Anishinaabe dazhiikewinan giigagwedwenaniwang dino gii-jaaginigewaad igi gaa-asiniikewaad apii gii-nanadogigenjigewaad jidebinamowaad iwe Canadian jaaginigewin onji giidibaa'ige'aaganiwid.

Iwe Onaakonigewin odibaadodan "meshkwaaj diba'igewin" dino jigii-wiiji'igood awe gadakonang ashoga'igan jigii-diba'iged meshkwaaj apiij wiin jigii-dodang iwe ge-onji dibaabadeg anokiwin minik diba'igan gemiinind. Owe dino izhijigaaniwan wedi aninda Canadian ga-dibendaagogin jimiiindaaw igi gadakonamowaad jiminosewaad iwe giwii-asiniikewaad gaye jiwandoosigwaa iwe asiniike akiing gaadibendamowaad. Gaawiinon ewebinigaadeg iwe ge-onji dibaabadeg anokiwin, iwe jigii-nanagadawenjigaadeg aniin ge-izhiyaabadagin ini diba'igewinan weweni.

Ini "meshkwaaj diba'igewin" omiinigonawaa igi aa'asiniikewaad geyaabajidoowaad, gaye apii gagwedwewaad "anakoowsewin" gaye "memwej" iwe diba'igan jigiishdowaad ini ge-onji dibaabadeg anokiwin giwesewin, maano gaamiiniding shego Asiniikewin Onaakonigewin. (nisiin bakwena ini asiniike ashoga'iganan oma Ontario odabajidoonawa iwe anakosewin.)

Niibiwaa ini dino Canadian ga-dibendaagogin, dago British Columbia, Manitoba, Saskatchewan gaye Newfoundland gaye Labrador, noogom odaabajidoonawaa iwe dino meshkwaaj diba'igewin ima dibaabade anokiwin. Meshkwaaj diba'igewin izhiwan maagizha nanan ako midaaso bakwena ini ga-dibaabadeg anokiwin giwesewin ga-ozhibii'iganiwangin ima nake ga-dibendaagogin. Ini ga-dibendagogin odozhidoonawaa deminik ge-izhiseg giyabadag ini diba'igewinan meshkwwj jiminosewaad odo-naakonigewiniwaan.

*Gagwejimiwewinan ji-nanagadawendaman:*

Q 4.1: *Wegonen dino jaaginigewin onji Aboriginal gagwedwewin ima gegii-debised ini dibaabadeg anokiiwin giiwesewin? Ganage daagii-ashemiina minik? Wegonen dibaajimowin ima gegii-apiseqiban debwe egii-jaaginigaaniwang?*

Q 4.2: *wegonenan gegii-ijigaadeginbaniin jizidonigemagag abadang “meshkwaaj diba’igewin” ima dibaabadeg anokiiwin?*

- a) *Geyaapiijiseg magag?*
- b) *Ge-izhiwebag?*
- c) *Ganage dagii manadabikinigenaaniwan?*

Q 4.3: *ganage dagii bakaan ijigaadewan ini ge-dibaabadegin giiwesewinan ima ini wiiba besho asiniike ashoga’igewinan ji-anjibii’igaadegin? Giishpin debwe, aniin daash ge-izhijiganiwang?*

## **5. Aboriginal gagwedwewin (Sections 78, 139(2), 140(1), 141(1)):**

Iniwe ge-anjisegin ima Asiniikewin Onaakonigewin danisidaawinaadewan ini Aboriginal gaye diba’amaadiwinan. Ima shegobii’igaadewan ga-inaabadag iwe Onaakonigewin, gaye Aboriginal gagwedwewin gedodaaganiwangin danaagwaan ima ogimaa ozhibii’iganing gaye onaakonigewinan. Iwe ga-anjibii’igadeg Onaakonigewin ogayaabajidoon Canada ima oshki asiniikewin onaakonigewin ji-ini’izhiseg mino’wiiw’diwin nadamagewinan nake Aboriginal dazhiikewinan, Aboriginal gaye diba’amaadiwinan iniwii gagwedebwed. Ono ge-anjisegin ji-wiiw’iwemagagin nake Crown odanokiiwin ji-gagwedwed ga-izhiseg ima Supreme Court of Canada ga-inendang ji-onji-iniminoseg wiiw’diwin owe giwii-asiniikenaaniwang.

Iwe onaakonigewin dibaandode shipi izhijigewin ima Aboriginal gagwedwewin minik gii-asiniikegaaniwang. Owe dino izhijigewin wiidamaadiwin apii gii-maajiseg ishkwaashoga’iganiwang gaye ozhibii’igadeg, gaye jibwaa ozhibii’igadeg gaye miiniding iwe nanadagigenjigewin gaawii-izhijigaaniwang gaye bagidinigewin.

Aboriginal dazhiikewinan dawiindamawawag ini oshki asiniike-jigewinan ima ga-izhidazhiikewaad mayaa apii ozhibii’igaadegin. Jibwaa maadanokiinaaniwang, asiniikewininiwag gaye ini ga-ondaadiziwaad gawii-asiniikewaad dagii-nitaam mooshkinebii’igewag e-andawendamowaad ini mazina’iganesan. Daabshko ini dagii-gagwejimaa Anishinaabe, daabshko gawii-izhibii’igadeg ima onaakonigewining.

Ogimaa debwe dadodam iwe dibaajimowin onji ini nanaadogigenjigewinan gaye bagidinigewinan jiwiindamowaad ini Aboriginal dazhiikewinan jibwaa maajitaananiwang asiniikewin, gaye Aboriginal dazhiikewinan damiinawag jidibaajimowaad aniin ge-izhibigamisewaad nake Aboriginal gaye odiba’amaagowiniwaan.

Nanaadogigenjigewin bagidinigewin dagii-dagosinoon ge-dojigaaniwangin giishpin ganawabadegin ge-izhiseg gegoon, dago ini gewiindegin apii Aboriginal gagwedwewin izhijiganiwang, ge-izhiseg bagona aki gaye nagadawendamowin onji anokiiwin ima ga-izhinishike dibendang akiini dino.

Ogimaa onisidaawinanani ini genagishkaang ini omiinigoow'ziiwinan jigiidodangin apii Aboriginal gagwedwewin izhijigewin nake weweni diba'igan jigii-ganabadeg daabshko

ima wiiijidaawd nake asiniike nanadagigenjiwin gaye ge-izhijigaaniwang dino. Ninaandawendamin jiwiji-igoyaang aniin owe gegii-izhi-maajjigaaniwangiban.

Gagwejiwewinan ji-nanagadawendaman :

Ge-dodamonaniwang:

Q 5.1: Aniin gegii-izhijigaaniwangiban debwe jigii-minojiganiwang onji ini ga-izhidazhiikenaniwang gaye megweya'ii weweni ini dazhiikewinan jigii-gagwejimindaaw onji ono asiniikewinan? Ayawaana miziwedino gabidojigaaniwangin gegii-wiiji'iwemagagiban? Ayana iwe ge-inaabadagibaniin ini tribal councils gaye ini Aboriginal ozhibii'ige ogimaaw'jigewinan?

Q 5.2: iwe onji gagwedwewin ini nanaadogigenjigewinan gawii-dojiganiwangin, andi ge-izhi niisi bigamiseg;;

- (a) Aniin gegii-izhidibaajimonaaniwangiban (mazina'igan, dibaajimowin, wegonen)?
- (b) Awenen gegii-dibaajimoban?
- (c) Aniin minik diba'igan gegii-miinind dazhiikewin ji-nakwedang?
- (d) Bangii maawaaj, aniin gegii-izhijigaaniwangiban owe dojigaaniwang?
- (e) Aniin gegii-inaawzood awe genadamaaged? Aniin gegii-izhiedagogiid awe genadamaaged?

Q 5.3: iwe onji gagwedwewin onji gagwedwej iwe nanaadogigenjigewin bagidinigewin, wedi baangii ge-izhi-shipiseg gebigamiseg:

- (a) Aniin gegii-izhidibaajimonaaniwangiban (mazina'igan, dibaajimowin, wegonen)?
- (b) Awenen gegii-dibaajimoban?
- (c) Aniin minik diba'igan gegii-miinind dazhiikewin ji-nakwedang?
- (d) Bangii maawaaj, aniin gegii-izhijigaaniwangiban owe dojigaaniwang?
- (e) Aniin gegii-inaawzood awe genadamaaged? Aniin gegii-izhiedagogiid awe genadamaaged?

Q 5.4: Jibwaa bagidinigaadegin nanaadogigenjigewinan gawii-dojiganiwangin maagizha bagidinigewin, aniin mayaa minik gegiiwiiijidaawaad igi Aboriginal

*dazhiikewinan gaye genadamaagewaad? Ganage ayaamagan dibaajimowinan gaye abajjiganan awe MNDMF gegii-miigiweban jiwiji'iwemaganig?*

*Q 5.5: ganage ini mino wijiw'diwin naadamaagewin dino dagii-wiji'iwemaganoon wedi wiibaa maajidaaniwang (daabshko jibwaa bagidinigaadegin ini mazina'iganan?)*  
*Gegaashkidonaniwang:*

*Q 5.6: Ayawana gegaashkidosigibaniin ini Aboriginal dashiikewinan gegibishkaagood jiwijidaawsig ima gagwedwenaniwang onji ini oshki gebiminizha'igaadegin. Wegonen dino wiji'iwewin ge-zhidooshkaagoowaad ini Aboriginal dazhiikewinan?*

*Q 5.7: Aboriginal dazhiikewinan gaye asiniikewinan nadamageg ogawaninanawa ini weweni ji-onji wiidanokiim'dinaniwang nake oshki gebiminizha'igaadegin. Wegonenan dino wiji'iwewin ge-zhidooshkaagoowaad ini Aboriginal dazhiikewinan gaye asiniikewinan ge-andawendagogin onji ono wijiw'diwinan?*

*Q 5.8: Wegonen dibaajimowin Aboriginal dazhiikewinan ge-andawendamowaad ima onji MNDMF ji-gii-wijidaawaad ima apii asiniikekaaniwaninig ga-izhidazhiikewaad?*

*Q 5.9: Ganage dagii-gegoon inaawzowaag tribal councils gaye godag ozhibii'ige'oga migoon jigii-wiji'aawaad jigaashkidowaad daabshko nagajibii'igewin nagajidowin igi onji Aboriginal dazhiikewinan jiwijidaawaad ima oshki gebiminizha'igaadegin?*

*Q 5.10: Wegonen mayaa gegii-minoseg nagajidowin jimiinind iniwe Aboriginal dazhiikewinan?*

## **6. Mino wijiw'diwin Naadamaagewin (Section 170.1):**

Anjibii'iganan ima Onaakonigewin dagii-izhise ji-ozhijigaadeg mino wijiw'diwin naadamaagewin mayaa jiwiji'iwemagag nake ini Aboriginal gaye diba'amaadiwinan gaye gagwedwewin ima nake Aboriginal dazhiikewinan. Weweni dino izhijigewin dawiji'iwemagan ima ji'nisidawendagoog wegonenan ini dino, gagwedwewinan gaye inedamowinan dino ge-moogishkaagin oma dazhideg iwe. Owe dash gawii-onji-izhijigaaniwang, misawendaagwanoon ini debweyendamonan gaye mino wijiw'diwinan awashime jiminosegin.

Section 170.1 izhise awa ogimaa jigii-anasaad awiyaag gaye beshig awiya jigii-bizidaminind gaye jigii-nanagadawendang ini dino maanaabadiwinan. Iwe dino awiyaag gaye beshig awiya ogabiminizhaanan ini izhijigewinan gaye da-izhise jigii-miinind ogimaa onaakonigewinan. Ogimaa dash dagii-dodaam ini onaakonigewinan gaye oga-miinaa' ini wegonen ga-onji-gii-onaabadegin ini onedamowinan gaye ga-onji dojigaaniwang.

***Gagwejimiwewinan:***

*Q 6.1: Aniin igi ga-anasaaganiwaad awigaag gaye beshig awiyaa gegii-dojigaaniwang ji-odaabining gaye aniin gegii-izhi-gikendamaad?*

*Q 6.2: Wegonen dino gegii-biminizha'igadeg weweni jiminoseg, jiwijidaaw'magag gaye ji-onji minwedamowaad igi gawijidaawaad ima maanejigewin (daabshko oma nake dino izhijigewinan, abadiziwaad noogom dino gadibaakonigewaad)?*

*Q 6.3: Aniin ini diba'iganan dino gegii-izhi'ozhijigaadegin ima gawii-izhijigaaniwang, debwe jigii-minoseg gaye jibagakinaagoog gegoon ima ga-ayaawaad izhijigewining?*

*Q 6.4: Aniin ini ge-inaagideg iwe izhijigewin gegii-izhi-maajijigaaniwangiban?*

*Q 6.5: Wegonen minik gegii-onizhishingiban onji iwe dibaajimowin gaye onaakonigewinan gegii-ozhijigaadegin ima izhijigewining (daabshko wegonenan dino onaakonigewinan awashime gegii-onabadazingiban igi awiyaag gaye beshig awiya)?*

## **7. Nadamaagewin onji ini Anishinaabe inaadiziwinan (Sections 35, 51):**

Ima Asiniikewin Onaakonigewin, dagii-izhise ji-ashenigaadegibaniin ima Aboriginal inaadiziwinan dino jigii-ashoga'igenaaniwazinoog ima ogimaakwe dino akin. Dagii-ayaa gaye jigii-ashenigaadeg ogidakamig dino debinigewin ima aazha ga'ayamagagin ashoga'igewinan ima nake Aboriginal inaadiziwinan awabadegin. Ono inaadiziwinan izhiganawaabadewan e-giji-inendaagogin ji-bagidinigaadesinoog ji-asiniikaaniwaanzinoog.

Niizhin chakibii'iganan ima ga-anjibii'igaadeg iwe Asiniikewin Onaakonigewin dagii-wijii'iwemagan ima izhijigewin:

Shego ima Section 35, ogimaa miina jigii-ashenang nanado-asiniikewin gaye ashoga'igewin ini, gaye asiniikewin bagidinidiwin maagizha ogidakaming gaamiinind awe odibendaan ogimaakwe. Owe egii-wanedang, ogimaa ogananagadawendan giishpin ini akiin negashkaamogen ini gabi-inaakonigaaniwang iwe e-inagindeg Aboriginal inaadiziwin geji'inedaagoog.

Shego ima Section 51, ogimaa miina jigii-dodangin ini ashenigewin ima ini asiniike ashoga'igewin gaadakonang jigii-abajidood bebagii ini ogidakaming dino gaamiinind iwe asiniike ashoga'igewin giishpin ayaawaad ima gamegwaasenig e-inagindenig Aboriginal inaadiziwin geji'inedaagoogin.

### *Gagwejimiwewinan ji-nanagadawendaman:*

*Q 7.1: Wegonen dino inaadiziwin geji'inedaagoogin gegii-nanagadawendagogin gaye aniin gegii-inagindegin jinisidaaw'naagoog gaye gejinaaj ji-izhinaagwaag ga-izhi-wiimiiniding?*

Q 7.2: *Wegonen gegii-dojigaaniwang ji-nanagadawenjigaadeg iwe akii ge-nadamadeg – daabshko aniin enaabadag? Aniin ge-izhi-debweyedaagogiban? Giiyaabi?*

Q 7.3: *Wegonenan eyaamagagin gaye gegii-andawedaagoog jiwiji'igowaad Aboriginal dazhiikewinan ji-dibaajimowaad ini ji-onji nanagadawenjigaadegin?*

Q 7.4: *Wedi odanaan, niibiwaa Aboriginal dazhiikewinan gawiin giwii-dibaajimosiwwag iwe onji Aboriginal inaadiziwin gagji'inendagoog. Wegonen endawendagoog jigii aangonaagogin ini gagibishkaagemagagin giwiidibaajimonaniwang iwedash jigii-nisidawinaagogin gaye jinaadamagaadegin onji iwe asiniikewin?*

## **8. Nishike ogidakamig dibejigewinan (Section 35.1):**

Beshig gawii-dojigaaniwang ji-oshkiseg iwe Asiniikewin Onaakonigewin jigii-niisisegibaniin ini ga-mookinaagogin maanzhisewinan igi ga-asiniikewaad gaye igi nishike gadibendamowaad aki gaawin gadibendazigwaa asiniikewinan ima ga-izhidibendamowaad akini.

Ini akiin ga-ayaawaad mazina'iganesan gaye ogimaakwe asiniike mazina'iganes ganabaaj gabakising ashoga'igewing inagizowag 1.4 bakwebii'igan aki ima Southern Ontario gaye niisiya'ii beshig mini kaki ima Northern Ontario.

Iwe oshki Asiniikewin Onaakonigewin odashenanan ini ogimaakwe dino asiniikewinan:

- ima Southern Ontario ogidakamig dino ganishike dakonamowaad, egidendamowaad ini noogom ashoga'iganan gaye mazina'iganesan;
- apii iwe gagagwejimindaaw igi nishike gadibendamowaad aki ima Northern Ontario.

Oma nake oga-nanagadawendanawaa iwe apiidazina'igan daabshko eyaagwen asin ima akiing gaye ini awashime onaakonigewinan jibwaa wanejigaaniwang jimiigiwaaniwang ashenigewin ima nake North. Giiyaabi, noogom ini ashoga'igewinan gaye mazina'iganesan dagidendaagonoon. Nishike gadibendamowaaad ogidakamig akiini nake Northern gaye Southern Ontario dagii-gagwejiman ogimaan inigagii ashenigaadegin asiniikewinan jigiiwe-baakinigaadegin onji nanadogigenjigewin gaye ji-ashoga'iganiwang.

Nishike ogidakaming gadibendamowaad da-wiindamawawaag giishpin ashoga'igan ajigaadenig. Jibwaa asiniikegaaniwang ima akiing, igi gaadibendamowaad oga-odisigonaawaa dibaajimowin onji nanadagigenjigewin gaye bagidinigewin.

### *Gagwejimiwewinan ji-nanagadawendaman:*

*(nisidaawinan ono gagwedwewinan mayaa ini Northern Ontario aniish ini akiin nake Southern Ontario azha gii-ashenigaadewan, owe eta ini akiin gagiiwebakinigaadegin onji ashoga'igewin.)*



---

---

## Api-bii'iganan A: Maama'wobii'igan ge'izhijigaaniwangin onji nanaadogigenjigewinan

“ge'izhijigaaniwangin onji nanaadogigenjigewinan” ono dagosewan:

- waasa nopamiing gagwejjigewinan/nibiwaa dino gagwedwew'jigewinan
- zhipiming dino nanadagigenjige gagwedwew'jigewinan
- bimaabigamo baashkoga'igewin
- gakina ogidakamig nanadagigenjigewin gagwedwew'jigewinan (electromagnetic, VLF-EM, IP, self potential, resistivity, radiometric, gradiometric, gravity, seismic)
- oma nake gaye bimaabikesijiganeyaab asin gagwedwew'jigewinan
- gagwejjigewin: asin, aki, nibi, ozhashki
- nibiwaa dino gagwejjigewin
- waanikewin
- gagwe-daabikinigewin
- bishagaakobijigewin
- waasigan bishagaakobijigewin
- giiwe minojigewin
- asiniikewin aki mazina'igan
- bagona akiing gagwegigendasowin
- asinii nanadogigenjigewin
- maashkimood/nishike bemibideg biima'igan
- ga-oninishishid asiniiwaabik moona'igewin
- baazhid dino moona'igewin (sonic, RC ,auger)
- waasa anaaming moona'igewin bagidinigan
- jigii-giiwe ozhijigaaniwang ashoga'igewin dino meniganaakoon
- giiwe-giishkizhiganan dino bimaabikesijiganeyaab asin

### **DAABSHKO ONO GAYE GE-IZHIJIGAANIWANGIN**

- baashkoga'igewin (gagizhibaayaakobideg ge-izhibooniimaagag gaye ge-izhibagwaanegamigogaaniwang)
- bagwaanegamigogaan ozhijigan
- miikana ozhijigan
- ge-izhi moona'igaaniwang iwe onji nibi